



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ

ԱՐՄԱՎԻՐԻ ՄԱՐԶՊԵՏ

ՈՐՈՇՈՒՄ

<< 17 >> _____ 02 2012թ.

N 60

ք. Արմավիր

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐՄԱՎԻՐԻ ՄԱՐԶՈՒՄ ԱՐՏԱԿԱՐԳ ԻՐԱՎԻՃԱԿՆԵՐԻ ՀԵՏԵՎԱՆՔՈՎ ՖԻԶԻԿԱԿԱՆ ԵՎ ԻՐԱՎԱԲԱՆԱԿԱՆ ԱՆՁԱՆՑ ՊԱՏՃԱՌՎԱԾ ՎՆԱՍՆԵՐԸ ԳՆԱՀԱՏՈՂ ՀԱՆՁՆԱԺՈՂՈՎ ՍՏԵՂԾԵԼՈՒ, ՀԱՆՁՆԱԺՈՂՈՎԻ ԿԱԶՄԸ ԵՎ ԱՇԽԱՏԱԿԱՐԳԸ ՀԱՍՏԱՏԵԼՈՒ ՄԱՍԻՆ

Ի կատարումն Հայաստանի Հանրապետության կառավարության 2011 թվականի նոյեմբերի 10-ի N1582-Ն որոշման 3-րդ կետի, արտակարգ իրավիճակների հետևանքով ֆիզիկական և իրավաբանական անձանց պատճառված վնասի գնահատման աշխատանքների կազմակերպման նպատակով.

որոշում եմ՝

1. Ստեղծել Հայաստանի Հանրապետության Արմավիրի մարզում արտակարգ իրավիճակների հետևանքով ֆիզիկական և իրավաբանական անձանց պատճառված վնասների գնահատող հանձնաժողով և հաստատել հանձնաժողովի կազմը՝ համաձայն N1 հավելվածի:
2. Հաստատել Հայաստանի Հանրապետության Արմավիրի մարզում արտակարգ իրավիճակների հետևանքով ֆիզիկական և իրավաբանական անձանց պատճառված վնասների գնահատող հանձնաժողովի աշխատակարգը՝ համաձայն N2 հավելվածի:
3. Առաջարկել Հայաստանի Հանրապետության Արմավիրի մարզի համայնքների ղեկավարներին՝ մեկամսյա ժամկետում համայնքներում ստեղծել արտակարգ իրավիճակների հետևանքով ֆիզիկական և իրավաբանական անձանց պատճառված վնասները գնահատող համայնքային հանձնաժողովներ, հաստատել հանձնաժողովների կազմերը և աշխատակարգերը:
4. Սույն որոշման կատարման հսկողությունը վերապահել Հայաստանի Հանրապետության Արմավիրի մարզպետի տեղակալ Ա. Աղաբաբյանին և Հայաստանի Հանրապետության արտակարգ իրավիճակների նախարարության Հայաստանի փրկարար ծառայության Հայաստանի Հանրապետության Արմավիրի մարզի փրկարար ծառայության վարչության պետ Գ. Ամիրջանյանին:
5. Սույն որոշումն ուժի մեջ է մտնում ընդունման պահից:

ՄԱՐԶՊԵՏ՝



Ա. ՂԱՀՐԱՄԱՆՅԱՆ

Աշխատակարգ

Հայաստանի Հանրապետության Արմավիրի մարզում արտակարգ իրավիճակների հետևանքով ֆիզիկական և իրավաբանական անձանց պատճառված վնասների գնահատող հանձնաժողովի

1. Սույն աշխատակարգով սահմանվում է Հայաստանի Հանրապետության Արմավիրի մարզի (այսուհետ՝ Մարզ) տարածքում գնահատման ու հաշվառման ենթակա արտակարգ իրավիճակների հետևանքով ֆիզիկական և իրավաբանական անձանց պատճառված վնասի գնահատման աշխատանքների կազմակերպումը:

2. Մարզի տարածքում արտակարգ իրավիճակների հետևանքով ֆիզիկական և իրավաբանական անձանց պատճառված վնասների գնահատման գործընթացը՝ կախված ընդգրկման ծավալից, հետևանքների բնույթից և նշանակությունից, համապատասխանաբար կազմակերպվում է Հայաստանի Հանրապետության Արմավիրի մարզպետի (այսուհետ՝ Մարզպետ) ու Հայաստանի Հանրապետության Արմավիրի մարզի համայնքների ղեկավարների (այսուհետ՝ Համայնքների ղեկավարներ) որոշումներով ստեղծված և մշտական գործող հանձնաժողովների կողմից:

3. Արտակարգ իրավիճակների հետևանքով ֆիզիկական և իրավաբանական անձանց պատճառված վնասները հաշվառվում են դրանց առաջացման պատճառների ուսումնասիրման ու վերացման, ինչպես նաև արտակարգ իրավիճակների ռիսկի նվազեցման համար միջոցներ ձեռնարկելու նպատակով:

4. Արտակարգ իրավիճակների հետևանքով ֆիզիկական և իրավաբանական անձանց պատճառված վնասի գնահատման համար՝

1) կազմվում է վնասված գույքի ցանկը՝ նշելով դրանց տեսակը, գտնվելու վայրն ու համառոտ բնութագիրը.

2) ուսումնասիրվում և գնահատվում է վնասված գույքի վիճակը.

3) գնահատվում է գույքին պատճառված վնասի չափը:

5. Եթե արտակարգ իրավիճակների հետևանքով զոհվել են մարդիկ, կամ մարդկանց առողջությանը պատճառվել է վնաս, ապա Հայաստանի Հանրապետության արտակարգ իրավիճակների նախարարության Հայաստանի փրկարար ծառայության Արմավիրի մարզային փրկարարական վարչությունից (այսուհետ՝ Վարչություն) դեպքի մասին տեղեկատվությունը տրամադրվում է Հայաստանի Հանրապետության արտակարգ իրավիճակների նախարարությանը և Հայաստանի Հանրապետության առողջապահության նախարարությանը՝ համապատասխան միջոցառումներ իրականացնելու նպատակով:

6. Տեղեկատվությունը ներառում է՝

1) դեպքի օրը, ամիսը, տարեթիվը, ժամը և վայրը.

2) տուժողների ազգանունները, անունները, հայրանունները, նրանց ծննդյան օրը, ամիսը, տարեթիվը, բնակության և աշխատանքի վայրերը.

3) դեպքի վայր մեկնած՝ փրկարարական աշխատանքներ իրականացնող խմբի (անձանց) կազմը (անձնական տվյալները).

4) դեպքը բնութագրող այլ հանգամանքներ՝ իրավիճակը, եղանակային պայմանները և այլն:

7. Մարզի տարածքում արտակարգ իրավիճակների հետևանքով ֆիզիկական և իրավաբանական անձանց պատճառված վնասների գնահատման նպատակով ստեղծվում են՝

1) մարզային հանձնաժողով՝ Մարզպետի որոշմամբ:

2) համայնքային հանձնաժողովներ՝ համայնքների ղեկավարների որոշումներով:

8. Հանձնաժողովները գործում են հետևյալ ուղղություններով՝

1) գյուղատնտեսությանը հասցված վնասների գնահատում.

2) բնակչության զույգին հասցված վնասների գնահատում.

3) ենթակառուցվածքներին հասցված վնասների գնահատում.

4) բժշկասանիտարական հնարավոր վնասների գնահատում:

9. Արտակարգ իրավիճակների հետևանքով ֆիզիկական և իրավաբանական անձանց պատճառված վնասները գնահատող Հայաստանի Հանրապետության Արմավիրի մարզային հանձնաժողովի կազմում ըստ ուղղությունների ընդգրկվում են՝

1) մասնագետներ մարզային փրկարարական վարչությունից, մարզի հակահրդեհային տեսչությունից,

2) մասնագետներ Մարզպետարանի աշխատակազմի գյուղատնտեսության և բնապահպանության, քաղաքաշինության, առողջապահության և սոցիալական ապահովության, ֆինանսական և սոցիալ-տնտեսական զարգացման վարչություններից,

3) մասնագետներ ոռոգման համակարգի, գազամատակարարման, ջրամատակարարման, էլեկտրամատակարարման, անասնաբուժության մասնագիտացված տարածքային կառույցներից և առողջապահության համակարգի կազմակերպություններից:

10. Համայնքային հանձնաժողովների կողմից կազմված ակտերը քննարկվում են մարզային հանձնաժողովում, և համաձայնեցված ակտերը ներկայացվում են հանրապետական հանձնաժողով:

11. Արտակարգ իրավիճակների հետևանքով ֆիզիկական և իրավաբանական անձանց պատճառված վնասների մասին վերջնական տեղեկատվությունն ամփոփում և հրապարակում է արտակարգ իրավիճակների հետևանքով պատճառված վնասները գնահատող հանրապետական հանձնաժողովը:

ԱՇԽԱՏԱԿԱԶՄԻ ՂԵԿԱՎԱՐ՝

Փ. ԿԱՐԱՊԵՏՅԱՆ



Կազմ

**Հայաստանի Հանրապետության Արմավիրի մարզում արտակարգ
իրավիճակների հեղուկացման ֆիզիկական և իրավաբանական անձանց
պատճառված վնասների գնահատող հանձնաժողովի**

Հանձնաժողովի նախագահ՝

Ա. Աղաբաբյան

-Հայաստանի Հանրապետության Արմավիրի
Մարզպետի տեղակալ

Հանձնաժողովի նախագահի տեղակալ՝

Ա. Ղուկասյան

-Հայաստանի Հանրապետության Արմավիրի
մարզպետարանի աշխատակազմի ՏԻ և ՀԳՄՏՍ
հարցերով վարչության պետ.

Հանձնաժողովի քարտուղար՝

Դ. Դավթյան

-Հայաստանի Հանրապետության Արմավիրի
մարզպետարանի աշխատակազմի
քարտուղարության պետ.

Անդամներ՝

Հայաստանի Հանրապետության Արմավիրի մարզպետարանի աշխատակազմի գյուղատնտեսության և բնապահպանության վարչությունից 2 մասնագետներ.

Հայաստանի Հանրապետության Արմավիրի մարզպետարանի աշխատակազմի քաղաքաշինության վարչությունից 2 մասնագետներ.

Հայաստանի Հանրապետության Արմավիրի մարզպետարանի աշխատակազմի ֆինանսական և սոցիալ-տնտեսական զարգացման վարչությունից 2 մասնագետներ.

Առողջապահության համակարգից 1 վնասվածքաբան, 1 վարակաբան.

Անասնաբուժական ծառայությունից 1 անասնաբույժ.

<<Ախուրյան-Արաքս ջրառ>> ՓԲԸ-ից 1 մասնագետ.

Արմավիրի գազաֆիկացման և գազամատակարարման մասնաճյուղից 1 մասնագետ.

ՀԷՑ ՓԲԸ <<Մուսալեռ>> մ/6 Արմավիրի էլցանցից 1 մասնագետ.

<<Նոր Ակունք>> ՓԲԸ-ից 1 մասնագետ.

Մարզային փրկարարական վարչությունից 2 մասնագետ.

Մարզի հակահրդեհային տեսչությունից 1 մասնագետ:

ԱՇԽԱՏԱԿԱԶՄԻ ՂԵԿԱԿԱՐ



Փ. ԿԱՐԱՊԵՏՅԱՆ